

Avatar tenê 3 xelat wergirt

» RÛPEL 9



Çand

Stres, pirsgirêka jiyana nûjen e

» RÛPEL 8



Tendûristî

Versiyona çapkirî ya HAWAR.NET.comê / Çapa Dîjîtal / 09.03.2010

Hejmara 6

Rojnameya Kurdî a serbixwe

hawarnet.com / hawar.hk-mg.net/PESKETIN

agahi@hawarnet.com

Pêşkêtin



Îsraîl dixwaze hevdîtînen aştîyê jî nû ve destpêbikin

Îsraîl dixwaze awayeke bi lez bi Filistinîyan ra pêvajoya guftûgoyên aştîyê nûjen bike. rûpel 6

Erdhêj li Kurdistanê jî xist; 57 mirî

Di erdheja Navçeya Depê ya Eleziz (Xarpêt) de, hejmara kesên jiyana xwe ji dest dane derket 57an... rûpel 2

Kurd bi avayekî xurt tevli hîlbijartinan bûn » r.2

Maç betal bû; Li stada Amedê bi marşa Herne Pêş protesto » r.2

Di 100'emîn salvegerê de Coşa jinan gihêşt asta herî bilind » r.3

Fetullahçî dê êdî bi zimanê Kurdî êrişî Kurdan bikin » r.2

Erdhêj zêde dibin; Gelo bi rastî qiyamet nêzik dibe?... rûpela 10

TERORA EWRÛPA; Ferqa Ewrûpa û tirkkan nema!



Li Kurdistanê coşa Newrozê destpêkir » r.3

- Serokê PJAK'ê jî hate girtin.
- Kurd bi hêrseke mezin bêdeletiya Ewrûpayê şermezar dikin..

Amed (Pêşkêtin): Terora Ewrûpayê ser rexistin û saziyên Kurd berfirehtir dibe
Li Belçikayê ji hêla polisan ve serdagirtina gelek cihên ku nûnertiya BDP'ê û Roj TV ji di nav de bûn hatibû kirin û 22 kes hatibû binçavkirin. Hate ragihandin ku ji wan 22 kesan Hecî Ehmedî, Remzî Kartal û Zubeyr Aydar ji di nav de 8 kes ji hêla dozgeriyê ve hatin girtin. Bêhişîyîya Ewrûpayê li bakûrê Kurdistanê jî hate şermezar kirin. Rêxistinên BDP'ê yên Sêrt û Mersin, Wan, Riha û Edeneyê serdagirtina Roj TV'î û girtina siyasetmedarên kurd ên li Ewrûpayê şermezar kirin. Şermezarkirina êrişî polîsên Belçika ya li dijî Roj TV zêde dibe. Li Herêma Federal a Kurdistanê, çampeniyê êrişî li dijî Roj TV şermezar kir. Serokê Sendikaya Rojnamegerên Kurdistanê Ferhad Awnî, bi daxwiniyekê êrişî li dijî Roj TV'ê şermezar kir. Dewama nûçe di rûpela 3'an de



Li Çînê gûherîna sosyal û zayendî . 10

Kurd bi avayekî xurt tevli hîlbijartinan bûn » r.2

GOTAR
Salvegera 19'emîn a Raperîna mezin R5

TENDURISTÎ
Êşa zirav hê jî li Kurdistanê heye! R8

ÇAND
Albûmên herî baş a 10 salên dawî ya mûzîka Kurdî R8

ZANIST
Êv morî him bilêzin, him jî kûjer in R8

Naveroka Din
» Gotar r.5-6
» Zanist r.8
» Aktuel r.10
» Çand r.8

Dewleta tirk "çareseriyê" ji bo berjewendiyên xwe anî rojevê SERHAD B.RÊNAS » r.5

AKP tenê xwe diparêze... PÊŞKETIN » r.4

Kurdên Xorasanê Dr. Kawa Xorasanî » r.4

Wêşanên HKMG:
HAWAR.NET hawarnet.com
KURDÎSTAN.RF kurdistanrf.com
ÇANDKURD çandkurd.com
ZANISTUKURD zankurd.com
KURDOKURD kurdokurd.com
ABORNAK abornak.com
PÊŞKÊTIN pesketin.com

Kurd bi avayekî xûrt tevî hilbijartinan bûn

Li Iraqê hilbijartina parlamentoyê pêk hat..

AMED (Pêşketin)

Beşdariya Kurdan bo hilbijartinan bi avayekî xûrt pêk hat. Tê hêvî kirin ger Kurd li Kerkûkê serkeftinek baş bidest bixin de çarenivisa kerkûkê zelal tir be. **Rêvebirîya kurdîstana Federal ser sindoqan bûn** Serokê Herêma Kurdistanê Mesûd Barzani di bikeyêki dengdanê de li Serê bilind dengê xwe bi kar anî. Piştî

dengdanê serokê Herêma Kurdistanê daxuyaniyek neda.. Serokê hukûmeta herêma Kurdistanê Dr. Berhem Ehmed Salih bi xêzana xwe xanima Serbax re beşdari di prosesa dengdanê de kir. Serokê hukûmata Herêma Kurdistanê li qotabxaneyê Şirin ya Kîçan li taxa mamotayan li bajarê Silêmaniye beşdari di pirosesa dengdanê de kir. Serokê hukûmeta Herêma Kurdistanê Berhem Ehmed Salih tekezî li ser evê çendê jî kir, ku pesendkirina derencamên hilbijartinan xaleki girînge û pêdiviyê di

bareya pesendkirina derencamên hilbijartinan de hemû aliyên Iraqî bi şeweyekî dirist tev bigerin Serokkomarê Iraqê Celal Talebani li binkeyeke dengdanê ya bajarê Silêmaniye dengê xwe da. Talebani, ji çapemeniyê re ragehand ku di pêkhatina hikûmeta nû ya Iraqê de hêzên nû dê derbikevin. Herwiha li gor Talebani, hilbijartina vî carê nexşeya siyasi ya Iraqê dê bi temami biguhere. Talebani, piştî daxwiyaniya bi çapemeniyê re, wek yekemin dengder, li Dibistana Rewşen



Bedirxan deng da. Talebani got: "Îro rojeke dîrokî ye; divê hemû kes û alî rêz li encamên hilbijartinê bigrin." Serokê parliyamanta Kurdistanê Dr. Kemal Kerkûkî jî li paytexta Herêma Kurdistanê Beşdarî di pirosesa hilbijartinê Parliyamanta Iraqê de kir. Listeya Hevpeymanîya Kurdistanê li pêş e. Piştî ku serê vî sibehê tevî herêma Kurdistanê li hemû bajar û bajarokên Iraqê, hilbijartina giştî ya hilbijartina Iraqê dest pê kir, berê kêmeke encama destpêkê li herêma Kurdistanê aşkere bû. Li gor encama destpêkê, li Kerkûk, Silêmanî û Hewlêrê Listeya Hevpeymanîya

Kurdistanê bê rêjeyeke berçav li pêş listeyên din e. Listeya hevpeymanîya Kurdistan LHK'ê li hemberî nebûna navên nêzî 65 hezar dengderên herêma Kurdistan û deverên cudabûyî nerazibûna xwe nişna da û li ser vî mijarê nameyêke nerazibûnê jî Komîsyona Bilind ya Serbixwe ya Hilbijartinan re şand. Nêzîkî 19 milyon kesan mafê dengdanê hebû û bêtir 6000 kandin yan berbîjar pişkdariya hilbijartinan kir jibo perlemana 325 kursî.. HAWAR NET.com

Pevçûna YNK û Goranê di roja dawî de jî dewam kir

Di pevçûneke navbera aligirên listeyên başdari hilbijartinan de li Şarezûyê, 7 kes birindar bûn. Rêveberê Giştî yê Saxlemîya Silêmanî Rêkewt Heme Emin jî diyar kir, "Hejmara birindarên bûyera şerî li bajarê Şarezûyê gihîştîye 7 kesan". Heme Emin got, "Niha rewşa saxlemîya birindaran normal e". Pêştir Peyvdarê Tevgera Goran Tofîq gotibû, "Roja inê hejmerek çekdarên YNK êrişî aligirên Tevgera Goran yê bajarê Şarezûyê kirine û di şer û pevçûneke navbera her du aliyên de hejmerek welatî birindar bûne". AJANSAN

Li bakûrê Kurdistanê coşa Newrozê destpêkir

AMED (Pêşketin)

Gelê Kurd di li çar aliyê Kurdistanê û Cihanê dest bi amadekari û pirozbahiyên cejna neteweyîya milletê Kurd, Newrozê kirin. Ji aliyê kurdên dervayê welêt ve piroz kirina Newrozê destpêkir. Li gelemperîya Kurdistanê di coşa Newroza 2010'an geştir dibe. Hevseroka Partiya Aşti û Demokrasiyê (BDP) Gultan Kîşanak, serokê herêma Kurdistanê Mesûd Barzani û serokkomarê

Iraqê Celal Talabani vexwandin Newroza isal ya Amedê. Kîşanak di hevpeyvîneke digel Kovara Warvinê de got: "Em ê bi hatina birêz Mesûd Barzani û Celal Talabani bo Newroza isal ya Amedê serbilind û rûmetdar bin." Hevseroka BDP'ê Gultan Kîşanak di hevpeyvîna xwe ya digel kovara Warvinê de li ser tîkiliyên di navbera hikûmeta Kurdistanê û

Tirkiyeyê, konferansa kurd, êrişên li ser BDP'ê, rêlibervekirina kurd de, fikir û ramanên xwe aniye ziman. Wek tê zanin Amed ku 'paytexta' Newrozê ye. Newroza Amedê ku çav li rê ye, isal wekî salên rabirdû bi sedhezaran kes li hev kom bibe û bi heycena hilbijartinan coş jî zêde be. Li bajarên bakûrê Kurdistanê bernameyên piroz kirina Newrozê jî di nava vî hefeyê de dê hêdi hêdi diyar bin. AJANSAN



Maç betal bû; Li stada Amedê bi marşa Herne Pêş protesto



AMED (Pêşketin)

Hefteya 24'ê ya Super Lîga Tirkiyeyê de, li Diyarbekirê çavê her kesê lê maça digel Bursasporê bû. Lê dema li beriya maçe bûyer derketin. Maç hate betal kirin. Aligirên Diyarbekir sparê di dema xwendina marşa Tirkan de marşa Herne Pêş xwendin û piştê di navbera aligirên

D. bakispor û Bursasporê de alozî derket. Aligirên Diyarbakirsporê neheqiyên ku li Bûrsayê hatibûn kirin protesto kirin. Li ser midaxelê ya polîsan pevçûn derket. Bi derketina pevçûnê hekemên maçe bi aveyekî lêzûbêz maçe betal kirin. Rêvebirên D. Bakir sporê diji bîryarê deketin û gotin hekem bi qasî bîryarêke wisa digrin

Hefteya 24'ê ya Super Lîga Tirkiyeyê de, li Diyarbekirê çavê her kesê lê maça digel Bursasporê bû. Lê dema li beriya maçe bûyer derketin. Maç hate betal kirin.

pevçûn wê zêde dewam nekiriba. Wekî tê zanin, maça ewil li Bursayê hatibû leyistin. Di wê maçe de terefdarên Bursasporê bi sloganên, "PKK bila biçê der" êrişî terefdarên Diyarbakirsporê kiribûn û bûyerên nexweş rûdabûn. Rovanşa wê maçe li Diyarbekirê bû. Pevçûna li ber stadê û revîna listîkvanê Bursasporê di medyaya Tirki de bû mijara yekemin. HAWAR NET.com

Erdhêj li Kurdistanê jî xist; 57 mirîn

Di erdheja Navçeya Depê ya Eleziz (Xarpêt) de, hejmara kesên jiyana xwe ji dest dane derket 57an..

AMED (Pêşketin)

Di çarçoveya sewkiyeta leşkerî de hate zanin ku heta niha 4 hezar û 500 leşker jî bo navçeya Lice ya ser bi Amed hatine şandin. Bi nêzîkbûna mehên biharê re tevgera leşkerî zêdetir bû. Hate diyarkirin ku di encama wê tevgera ku ev sere

hefteyê ye dom dîke de, bi otobusan leşker ber bi navçeyê de hatine şandin. Leşker di qereqolên gund û bajarokan de tene bi cîkirin. Di hinek qereqolên li gundan de jî, hinek hêzên taybet hatine bi cî kirin. Ev hêz bi helikopteran li herêmê hatine danin.

Li bajarên wek Diyarbekir, Batman, Bingol, Meletî û Erzincanê jî bandora paşerdhêjan dewam dîke û xelkê tengzar dîke. Hevserokê Partiya Aşti û Demokrasiyê (BDP) Selahattin Demirtaş, daxuyand ku BDP digel hemû şaredariyên xwe dê alikariya gelê Elezizê bike. HAWAR NET.com

Kurd bi biryara derbarê Helebçeyê kêfxweş in

Hikûmeta Herêma Kurdistanê pêşwaziya biryara Dadgeha Bilind a Tawanan ya Iraqê derbarê bi tavkuji nasîna kimyabarana Helebçeyî, kir

HEWLÊR (Pêşketin)

Berdevkê Hikûmeta Herêma Kurdistanê Kawe Mehmûd jî AKnewsê re diyar kir, "Biryara Dadgeha Bilind beşeke li wan hewlane ku hikûmet, Wezareta Karûbarê Şehîd û Enfalkiriyân, Wezareta Dadê û û tima parêzerên vî dosyeyê kirine".

Mehmûd wiha pê de çû, "Hikûmeta Herêma Kurdistanê vî biryara Dadgeha Bilind jî akinciyên bajarê Helebçeyê û malbata şehîdan piroz dîke". **Tevkujiya Helebçeyê hate nasîn** Dadgeha Pêdaçûnê ya Iraqê tawana kimyabarana Helebçeyê

bi tevkuji da zanin. Dadgeha Bilind a Tawanan kimiyabarkirina Helebçeyê di çarçoveya madeya 12'an ya hejmar 10'ê ya sala 2005'an bi diji mirovayetiye dabû zanin û niha jî li ser daxwaza Desteya Berevanîkirina li qurbanîyên Helebçeyê bi tevkuji nas kir. AJANSAN

Fetullahçî dê êdî bi zimanê Kurdî êrişî Kurdan bikin

Cemaata Gulen bi riya medyayê êrişên hemberî Kurdan fit dîke. niha xwe amade dikin ku bi riya DUNYA TV bi zimanê Kurdî êrişî Kurdan bikin..

AMED (Pêşketin):

Televizyona Samanyolu TV(STV) û rojnameya Zaman, kovara Aksiyon, kovara Sizinti û gellek weşanên din û bi hin weşanên herêmî jî di idolojîya Fetullahçiyân de weşan dikin.

Fetullahçî bi taybetî sistema perwerdeyê bi dest xistine û piştî bûyera 28 sibata Tirkiyê bo legal bû û pêşketinê vî qadê jî xwe re wekî bingeh girtine jî dersxane û dibistanên taybetî bigrin, kovarên zanistî pirtukên bo amadekariya ûniversite jî aliyê

wan tê weşandin. Her wiha di demeke nêzik de wê cemata Fettullahçiyân bi riya DUNYA TV bi zimanê Kurdî êrişî Kurdan bikin. DUNYA TV ku navenda wê li Entebê de ye di demekê nêzik de dest bi weşanê dîke. HAWAR NET.com

Artêşa dagirker a dewleta tirk sewqiyata leşkerî dîke...

Di çarçoveya sewkiyeta leşkerî de hate zanin ku heta niha 4 hezar û 500 leşker jî bo navçeya Lice ya ser bi Amed hatine şandin. Bi nêzîkbûna mehên biharê re tevgera leşkerî zêdetir bû. Hate diyarkirin ku di encama wê tevgera ku ev sere hefteyê ye dom dîke de, bi otobusan leşker ber bi navçeyê de hatine şandin. Leşker di qereqolên gund û bajarokan de tene bi cîkirin.

Kurd bi hêrseke mezin bêdeletiya Ewrûpayê şermezar dikin

D.BEKİR (Pêşketin)
Bi hezaran kes bi armanca protestokirina biserdegirtina sazi û dezgehên kurd û desteskeririna siyasetmedarên kurd, li paytexta Belçikayê Brukselê kom bûn û bi drûşma "Roj Tv ne bê xwedî ye" meşyan. Li Paytextê Belçikayê li Brükselê li dora 8 hezar Kurd ji ber lisergirtina Roj Tv û girtina

siyasetmedarên Kurd çalakiyan derbaz dikin. Roja 4`ê Adarê polisê Belçikayê di studyoyên Roj Tv`yê lêgerin derbazkirin û her weha hinek siyasetmedarên Kurd bincav kirin. Di nav wan da endamên Kongra Gel Zubeyir Aydar û Remzi kartal ji hene. Partiya Karkerên Kurdistanê bang li hemû Kurdên li Ewropayê dijîn kir, ku li hember operasyonên dewleta Belçikayê çalakiyan pêkbinin û wan protesto bikin.



Bi hezaran Kurd li Ewrûpayê daketin kolnan û terora Ewrûpayê şermezar kirin

Meş, li Qada İstasyona Nord saet di 13:00 de dest pê kir û bi hezaran kes beşdarê çalakiyê bûn. Çapemeniya navneteweyî û ya Belçikayê eleqeyê mezin nişanê çalakiyê dan. Ciwanên ku ji herêma Limburg a Belçikayê tevli bûbûn, pankarta "Belçika, nebe listokê DYA`yê" vekirin. Piştî meş mitingek hat lidarxistin û Serokê KNK`ê Tahir Kemalîzade axaftineke tûj kir û Belçikayê û Yekitiya Ewropayê hişyar kir. Xebatkara Roj Tv`yê Necibe Karadaxî ji axaftinek kir û wiha got: "Ji me re dibêjin terorist, lê yên vê êrişê

kirine terorist in, em dengê geleki ne." Siyasetmedarê kurd Cuma Tak ji di axaftina xwe de diyar kir ku ev konseptê li dijî gelê kurd. Parlamentera Mêrdinê ya BDP`ê Emîne Ayna ji beşdarê çalakiyê bû, axaftineke kin kir û silav li berxwedana çalakvanan kir. **Li bakûrê Kurdistanê di gellek bajarên de protesto** Bêhişûqîya Ewrûpayê li bakûrê Kurdistanê ji hate şermezar kirin. Rêxistinên BDP`yê yên Sêrt û Mersin, Wan, Riha û Edeneyê serdagirtina Roj TV`î û girtina siyasetmedarên kurd ên li Ewropayê şermezar kirin. HAWAR NET.com

Li Hewlêrê êrişê li dijî Roj TV hate şermezarkirin

Şermezarkirina êrişê polisên Belçika ya li dijî Roj TV zêde dibe. Li Herêma Federal a Kurdistanê, çampeniyê êrişê li dijî Roj TV şermezar kir. Serokê Sendikaya Rojnamegerên Kurdistanê Ferhad Awnî, bi daxwiniyekê êrişê li dijî Roj TV`ê şermezar kir.

Berpirsê Biroya Hewlêrê yê Peyam TV`ê Mihemed Acicelal ji êrişê li dijî stutoya Roj TV şermezar kir. Acicelal, diyar kir ku ev êrişê êrişê li dijî çapmeniya Azad û wiha got: " Em wek Payam TV`ê êrişê ku ji aliyê polisê Belçika a li dijî Roj tv û MMC û çapmeniya azad pêk hatiye şermezar dikin. Ev yek li dijî exlaqê azadiya ramanê ye. Ev êriş li welatek pêk tê ku ji xwêre dibêje ez welatek demokratim, ev êriş nayê qebûl kirin." Berpirsê Radyo û Telfizyona Zehmetkêşan Armanç Ali ku radyo û televizyon yê wan li nava bajêrê Hewlêrê weşanê dike êrişê li dijî stodyuya Roj TV mehkuum kir.

zimanê Kurdî bidin û xebatên navxwe ji bi zimanê Kurdî bikin. - Xebatkaran hemû şaredariyên Kurd divê bi gel re bi zimanê Kurdî biaxifin. - Hemû şaredariyên Kurd divê di malperên şaredariyên xwe de beşa zimanê Kurdî vekin. - Hemû şaredariyên Kurd divê di bultenên xwe de li gel Tirkî herî kêm %50 ji zimanê Kurdî bikarbinin. Bêguman zêdetir xal dikare bê rêz kirin. Lê ji bo dema niha xalên li jor ji bîne pêkanin wê têri bike. DERBARÊ MUJARÊ DE ZÊDETIR NÛÇE DI www.hawarnet.com DE



Demirtaş Ewrûpayê hişyar kir: Hişê xwe bidin serê xwe

Hevserokê BDP`ê Selahattin Demirtaş, di 1`emîn Kongreya Awarte ya Rêxistina Bajarê Stenbolê de axivî û êrişê li dijî Roj TV`ê şermezar kir. Demirtaş, diyar kir ku bi operasyona Belçikayê ya li dijî Roj TV`ê û siyasetmedarên kurd hewldana AKP`ê zelaltir bû û wiha got: " Neheqiyê li gelê kurd dikin. Navê vê yekê ne çareserî ye. Ev yek tasfiye ye. Gel êdî nayê listikê. Ger ku hûn naxwazin gelê kurd binin hemberî xwe wê demê hişê xwe bidin serê xwe..

Serokê PJAK`ê jî hate girtin

Terora Ewrûpayê ser rexistin û saziyên Kurd berfirehtir dibe

Serokê PJAK`ê, Heci Ehmedî li Elmanya hate binçavkirin. Piştî girtina Remzî Kartal û Zubeyir Aydar li Belçika, polisên Elmanya li Kolnê ew girtin. Li gor nûçeya ANF`yê berpirsek yê PJAK`ê ragihand ku; " Em bawer dikin ku di van operasyonan de tiliya Amerika heye. Her çiqas di navbera Emerika û Îranê nakokî hebin jî, hinek agahdarî digihin me ku, Emerika û Îranê li hev kirine. Heftiya bûri serokê Cubdullah teslimê Îranê hate kirin, ev jî listikek ya Emerikayê bû. Emerika dixwaze bi vê helwesta xwe mesajekî bide Îranê. PJAK diyar kir ku navend operasyonan Elmanya ye.

Kartal û Aydar hatin girtin

Li Belçikayê jî hêla polisan ve serdagirtina gelek cihanê ku nûnertiya BDP`ê û Roj TV`ê di nav de bûn hatibû kirin û 22 kes hatibû binçavkirin. Hate ragihandin ku ji wan 22 kesan Remzî Kartal û Zubeyir Aydar jî di nav de 8 kes jî hêla dozgeriyê ve hatin girtin.

Li gorî nûçeya ANF`yê, 8 kesên ku li Brukselê hatibûn binçavkirin û Serokê Kongra Gel Remzî Kartal û Zubeyir Aydar jî di nav de bûn û bo dirêjkirina dema binçavkirinê ew hinartin dadwerê lêpîrsinê. Dadwerê lêpîrsinê De Coster derbarê 8 kesan de biryara girtinê da. Li bajarê Charlero jî 4 kes hinartin dadwerê lêpîrsinê û li wir 3 kes serbest hatin berdan û dema binçavkirina kesek hate dirêjkirin. Polisê Belçikayê duhî bi awayek hevdem li ser Kongreya Neteweya Kurdistanê (KNK) û Roj TV`ê hin deverên ditir operasyon pêk anî bû û dest danibûn ser gelek belgeyan û ketin û derketina binaya Roj TV`yê hatibû astengkirin.

Hemberî PKK`ê çend roj berê li Îtalya û Fransayê jî operasyon hatibûn kirin. Karbîdestên Fransî eşkere kirin ku, 9 kesên ku bi pêwendidariya PKK`ê hatine girtin wê jî "sûcên terorê" bîne darizandin. Ji bo dewama nûçeyê HAWAR NET.com

Di 100'emîn salvegerê de Coşa jinan gihêşt asta herî bilind



AMED (Pêşketin)
Li bajarên Kurdistanê û metropolan ji bo 8`ê Adarê jinan daxwazên xwe bi dirûşman anin ziman. Jinan got, divê teqez şer û zextên li ser kurdan bîne sekinandin. 8`ê Adarê roja jinên kedkar yên cihanê, li bakûrê Kurdistanê jî aliyê jinên kurd ve ji hate pirozkirin. Pirozbahiyên ku hefteke berê destpêkiribû bi dawî bûn.

Bi mebesta "8`ê Adarê Roja Jinên Kedkar ya Cihanê" li Amedê mitingek hat lidarxistin. Di mitinga ku ji aliyê Tevergera Jina Azad ve hatibû amadekirin de daxwaza çareserkirina pirsgrêka kurd hat kirin. Mitinga "8`ê Adarê Roja Jinên Kedkar ya Cihanê", bi beşdariya bi hezaran jin ku bi kinc û libasên kurdî hatibûn, li meydana İstasyonê ya li Amedê hat lidarxistin.

Li Diyarbekirê bi hezaran jin hatinba hev û ji bo roja jinan 3 kilometre meşyan. Jin bi kincên kurdewar ên gelêri tevli meşê bûn. Di meşê û mitingê de bûyereke yekemîn pêk hat; transeksüelên kurd jî bi pankaretk kurdî tevli mitingê bûn. Her wiha li gellek welatên cihanê Roja Navnetewî ya Jinan hat piroz kirin. HAWAR NET.com

Li Komeleya ÇIRA çalekiyên 8`ê Adarê

Bi mebesta "8`ê Adarê Roja Jinên Kedkar ya Cihanê", li Komeleya Çand û Hunerê ya ÇIRA ya Amedê, ji aliyê jinan ve çaleki hatin lidarxistin. Gelek kes beşdarê bînamê bûn û di nav çêşek mezin de vê roja teybet hat pirozkirin.

Di destpêka bînamê de li ser giringiya "8`ê Adarê Roja Jinên Kedkar ya Cihanê" hat rawestandin û herweha bal hat kişandin li ser kesayeti û tekoşina jinên ku di dirokê de di vî warê de li hemberê zilm û zordariyê serî hildane û di vî warê de jiyana xwe dest dane. Di berdehamiya bînamê de ji bona wan kesayetiyan bi vî rengî slaytek hat nişandan. Herweha, di slaytê de jiyana jinên ku di nav tekoşina neteweyî ya Kurd de cih girtine, jî hat nişandan.

Gul û Demirtaş hatin cem hev

Serokomarê Tirk bi Demirtaş û Bahçelî re hevdiitin pêk ani. Serokomarê Tirkîye Abdullah Gul, Pêşwaziya serokê BDP`ê Selahattin Demirtaş kir û derbarê qriza dadgeriyê û ser gûhertina destûrê axifin..

Li Şemzînanê teqîn: Leşkerek mir û 3 leşker jî birindar

Li çoltara Bajaroka Rûbarokê ya Navçeya Şemzînanê teqîn pêk hat. Di teqînê de leşkerek mir û 3 leşker jî birindar bûn.



HAWAR NET / NÛÇE Û AGAHÎ
TU LI KÛ BÎ, NÛÇE LI WÊ DERÊ YE
hawarnet.com Kurdî û Kurdistanî

Salvegera Raperîna mezin; 19 salan de perçeyek azade

Ji Raperîna di sala 1991'an a gelê Başûrê Kurdistanê 19 sal derbas bû

PÊŞKETIN

Giringiya wan rojên diroki bi deskeftiyên iro hineke din tê fam kirin û gelê Kurdistanê salvegera 19'emîn a Raperinê piroz dikan.

Pêvajoya Raperîna mezin ya başûrê Kurdistanê

Weki tê zanin 16 Adara sala 1988an de rejîma Iraqê bombeyên kîmtewî avêt ser Helebçeyê. Encamê de 5000 Kurd hate kuştin. Lê raya giştîyê Cihanê wê bûyare mezin netidîn. Heta di Medyaya Cihanê de piştî 3-4 rojan ev nûçe derket. Ji ber ku Sedam Hiseyîn bi saya wan gihîştibû wê hêzê. Piştî wê êrişê bi sedhezaran Kurd ji tirsê çekên kimyewî ji başûrê Kurdistanê rewiyên. Bi hezaran Kurd ber bi bakurê Kurdistanê û bi hezaran Kurd ji ber bi rojhilatê Kurdistanê çûn. Wê demê de ji piştî wê demê ji Neteweyên Yekbûyî meseleya Kurdistan neanin rojve. Ji ber ku patronên NY Amerika

Britanya û Rûsya tiştêki wisa nedixwestin. Piştî dagirikirina Kuweytê ji aliyê Iraqê ve Emerika êriş bir ser Iraqê û Kurd ji wê demê de piştigiri dan Emerikayê lê piştî vekişîna Emerikayê li Iraqê Kurd û Seddam di sa hember hew man. Kurd di wê demê de dest bi serhildaneke mezin kirin û ev sehildana Raperin(vejin)ê bû.

- 5'ê Adarê 1991'an de Raperîna mezin destpêkir
- 7'ê Adarê de bajarê Silêmani
- 10'ê Adarê de Rewandiz, Xelifan, Herir, Diyana, Dûz, Qoysencax
- 11'ê Adarê de Hewlêr û Xaneqîn
- 12'ê Adarê de Mexmûr û Pirdê
- 13'yê Adarê de Akrê, Zaxo û Berdareş
- 14'ê Adarê de ji Dihok û Amêdi

Ji aliya gel ve bi delfetên xwe ji destê rejîma Iraqê rizgar kirin. Lê belê Emerika xiyane kir li Kurdan kir û alikariya Kurdan nekir. Lê bi xêra hin qenalên Medyaya Cihanê rayagiştîya Cihanê li hemberê hovitiyên Seddam û bêbextiya Dewleta Emerikayê rabûn ser lîngan. Li ser wê yekê ji hin dewletên Ewropa -di serî de britanya- mecbûr man ku bo parastina Gelê Kurd hin

çareyan geriyên.

Heta 15 Nisanê hejmarê Kurdên ku reviyabûn Îranê ji milyonekê zêdetir bû. Pîrsa Kurdistanê bi hefteyan ji rojêva Cihanê derneket. Dawiyê de George Bush mecbur ma ku Iraqê hişyar bike. Disa ji Kurd bawerîya xwe bi gotinên emerika nedanin. Her çiqas George Bush hewl dida ku zextên Ewropa, çapamenî û raya giştîya Cihanê rizgar bike ji li hemberê rexne û bêbextiya ku Kurdan kiribû neçar man ku ji bo bi

Britanya, Elmanya, İtalya, Frensa di 16'yê Nisanê 1991'an de xeta 36ê û jor de bo gelê Kurd herêma azad ilan kirin. Lê bajarên wek Kerkûkê ku neft lê hebû nêdan Kurdan. Kurd bi demêki kin de vegebin ser xakên xwe û demêki kurt de hêzên xwe ji nû ve qezenc kirin û êdî bênavber dixebitin. Piştî demêki Kurd dest bi xebatên avakirina Kurdistanê kirin da ku wê delfeta diroki û bêhempa bikarbinin û 19 Gulana 1992an de Li Başûrê Kurdistanê yekem hilbirtinê giştî yê Parlamentoya Kurdistanê pêk

hat. Ji bo parlemena Kurdistan 6 liste beşdarî hilbijartinê bûn: 1- Partiya Demokratî Kurdîstanê, 2- Yekîtîya Niştîmanê Kurdistan-Partiya Zehmetkêşên Kurdistan, 3- Partî Sosyaliştî Kurdistan-Partî Demokrati Serxwebûnî Kurdistan, 4- Partiya Demokratîk a Gelê Kurdistan, 5- Partiya Kominîs, 6- Tevgera Islamiya Kurdistanê. Ji ber ku hilbijartinan de %7 beraj hebû tenê du liste; listeya PDK û listeya YNK-PZK ketin parlamentoya Kurdistanê. Listeya PDK ji% 45.26, listeya YNK ji %43.82 dangan girtibûn. PDK û YNK li hev kirin ku 100 kursiyên di navbera xwe de 50-50 parve bikin navê wê sistemê re fiftî-fiftî dihat gotin. Lê ev sistem di pêşerojê de bû lihevnatinê mezin.

Hilbijartin tevî hemû kêmasiyên xwe him héviya gelê Kurd zêde kir, him jî nişani hemû Cihanê dan ku ji bo pêşveçûnê zemîneke baş heye. 4ê Heziranê de Parlamentoya Kurdistanê hebû û parlamentaran sond xwarin. Parlamento û Hikumeta Kurdistanê bi tempoyeke baş dest bi karên xwe kirin. Pêşveçûnên ku li başûrê Kurdistanê dibû ne tenê bo Kurdistanîyên Başur bo hemû Kurdistanîyan dibûn toven héviyên nû. Di 4ê Cotmeha 1992an de Parlemena Neteweyîya Kurdistan biryarekê diroki vergirt û "Dewleta Federe ya Kurdistan" ilan kir. Yekem serokê parlemena Kurdistanê Cewher Namiq bû.

Berhemên raperinê

Kurd iro piştî 16 salan ji Raperinê ne serbixwe be ji û beramberî hemû kêmasî û xeletîyan dewletek avakirin, bi dehan organên media, Hikumeta Kurdistan, Parlemena Kurdistan, wezareten Hikumeta Kurdistan, bi dehan sazi, dezgeh, rêxistinên neteweyî (çandî, siyasi, perwerdeyî û fermî) afirandin. Emro beşekî ji xaka Kurdan azad e û ber bi serbixwe bûyine we diçe. Parastina Kurdistanê Azad ango Kurdistanê hemû Kurdan, bêgûman erka bingehîn û neteweyî ye.

Dijberên Kurdan li pêy têkdena wan destketiyane

Di serî de dewleta Tirk û dewletên yê dagirker Iran û Sûriye û hemû dijberên Kurdan li pêy têkdana serketina Kurdan a li Kerkûkê û bi giştî Dewleta Federe ya Kurdistanê ne. Tirkîye di nav wê 16 salên de her tim xwest ku Dewleta Federe ya Kurdistanê-başûr têk bike. Ji bo pêkanîna wê armancê ji bi taybetî arteşa Tirk û hêzên tari li pêy planên qirêj de ne û êrişî Kurdistanê Azad kirin û têkçûn ji axa azad reviyên . Lê ji dev ji pêkanîna armancên xwe hê ji bernedane.

Pêwîste Kurd nêzi hev bibin û stratejiyeke neteweyî, mayinde û pêşketî pêkbinin. Divê hemû gelê Kurd bi yekrezi tevbigerin da ku planên Tirkan pûç were derxistin. Di salên dawî de weki hemû karesat û êrişên mezin Kurdan nêzi hevûdin kir. Di wê pêvajoyê de ji Kurd divê nêzîki hev bibin û hişmendîya Kurdeyati bilind bikin.

Kurdên Xorasanê

Dr. Kawa Xorasanî

Kurd ko ji qomêna hind û evrûpayêna, ji lêkolîn û kûzêna kevin-nasiyê hatiye bêli kirin ko Kurd xwediyê temedoneke mezin bûne û nîzik li 7000 sal berî niha li welat û çiyêna bilinde mizopotamiyayê dijibûne. Li destpêkirina sedsala 16an mîletê Kurd li navbeyna împîratûriya Osmani û Îranê ya Şah Sefevî bûne. Zevî û xaka kurdan bûye dixweziya her du împîratûran. Sera çaldîranê li sala 1514ane zayînê çêbûye ko Osmaniyan şikeşt dane Sefevîyan û Kurdistan bûye du seqan. Perek çû ser împîratûriya Osmani û perek ji çû ser împîratûriya Îranê. Xorasan ko ji paytexta Sefevîyan zor dûr bû, Ebdol-momin-xanê Ozbekî li êrişê xweye çêkdari bi Xorasanê, pêşrevî kiriyê û ta nîzikê Damqanê û Simnanê pêşveçûbûye. Li pêşreviya xwe, şehr û gond û dêhat veyran dikirine û gelek mirov ji hatine koştin. Şah Ebas sefevî li

gorî felsefa Ibn-i-Emîd ko gotibû tim pêwîste ko Kurdan bikene sîpera belê, kete fikira şandina Kurdan bi welayeta Xorasanê li bakûra rojhilata Îranê. Balam Şah Ebas bi şandina Kurdan bi Xorasanê, bi tîrek du nişan lêdixistin: 1- weziyeta xwe li rojhilata Îranê çêdikir û pişîya hemlên ecnebiyan û Ozbekan digirt.

2- Kurd ji ji hevdu vediqetandin û kêmhêz dikirin, hînga piştê pişîya serhildan û şer-hişkiya Kurdan digirt ko ji bo wî re moşkileke herî mezin bûye li rojavaya Îranê.

Li her du haletan, yenî çî pirûz bûyina Kurdan, yan jî şikeşt xwerin û nabûdiya Kurdan li Xorasanê, Şah Sefevî fayde dibir. Siyaseta şah sefevî karê xwe kiriyê û welatê Îranê bi destê êrişgeran parçe nebûye, balam welatê kurdan bixwe hate parçekirin û mîletê Kurd hate pişîqandin û ma li bin destên hakim u qasibêna zalim. Ji il û eşîrên Kurd, hinek şandine Xorasanê, ko li zemana silsila

padişahiya Sefevî li sala 1590an ya zayînê (Miladî) bûye. Sebeba wê şandinê jî were ko hate gotin bi rasti siyasi bûye. Kurd hatine şandin ko li dijî hemlên Ozbekan û Moqolan bisekinin. Kurdan li Xorasanê şikesteke zor sext dane êrişgeran û ew vegeandine şûna xweyî berê.

Li rêkoçan hinek ji koçberan ji bo sebebên jûr-vejûr mabûne, ko hin ji li wan deran dijine, mîna şehrên: Rûdbar, Takistan, Veramin, Demavend, Fîrûzkoh, nûr, keldarêşt. Balam tayfên wan jî mîna: Kakavend, Amarlu, Şamlu, Kelhur, Umeranlu ne. Şah Ebas ko ji jamêri û zora Kurdan gelek ditirsîyaye, xwest ko herwiha yekîtîya Kurdan xirab bike û wan ji hevdu bipişiqîne ta hikûmeta xwe berdewam bike. Li hidûda sala 1590an ya zayînê nîzik li 5000 malbatên Kurd bûne koçber û ji aliyê rojavayî Îranê rû bi aliyê Xorasanê (bakûra rojhilata Îranê) ketine rê. Nîzik li sê salan kişand ta ko bigijîne

Xorasanê, balam ji 5000 malbatên koçber nîzik li 4500 gihîştine Xorasanê û yê din jî li bay rêkoçan man û herd bi herd jih girtin. Şah İsmail Sefevî Kurden tayfê qeremanlu bi serokîya Beram Begê Qeramanî li dijî Ozbekan li Xorasanê serast kiriyê. Lawî şah İsmail yenî şah Temaş jî Kurden tayfên Zengene, Çigîni û Kelhor koçandine Xorasanê, bo alikariya Beram Begê Qeremanî. Li sala 1595an ya zayînê li menteqa Cacermeyê Xorasanê serokî mezin li navbeyna Ferhad-xanê Qeremanî û Ebdol-momin-xanê Ozbekî bi rê ketiye ko Ozbekan şikeşt xwarine û Kurdan ji hey pişrevî kirine ta ko Ozbek ji herêma Xorasanê dane derxistin. Kurden Xorasanê li navbeyna 2 île mezin jih digirin.

Her il jî ji gelek tayfan çê dibûye. Her du îlên Xorasanê vinane: 1- Zeferanlu 2- Sadlu • İlê Sadlu jî 13 tayfên xwe heye. Alan, Dirqan, Garivan, Gurdan, İnan, Jaban, Juyan, Kaqan, Miran, Qiliçan, Qerabaslu, Qupran, Qereçarlu, Zendiyan. Kurden Xorasanê piraniyê wan mosilmanên. Şehrên Kurdan li Xorasanê mîna: Quçan, Bojnûrd, Esferayên, Şîrvan, Çînarvan, Deregez, Kelat, Aşxane, Faroj, Bacgîran, Mane û Similqan. Piraniya Kurdan li gondêna Xorasanê bi zeraetkarî û pez û maldari mişqûlin. Ji yana koçberiyê û yêlaq-qêslaq kirin ji hin li navbeyna wan didomêye. Çiyêna yêlaq kirina Kurden koçber li Xorasanê mîna çiyên

HÊZAXÊZ



ARTEŞA TIRK Û MEDYAYA TIRKÎ

Şerê desthilatdariyê didome; AKP tenê xwe diparêze...

PÊŞKETIN

Li Tirkîyeyê, Serokomar Abdullah Gul ji bo pêşketinê piştî "Operasyona Balyozê" bi Serokwezîr Recep Tayyip Erdoğan û Serfermandarê Giştî İlker Başbuğ re rûnişt.

Hevdîtînên ku rojên pêşembî bi awayekî asayî pêk dihatin, iro, bi tevlebûna Gül, Erdoğan û Başbuğ wek zirveya sêalî pêk hat.

Piştî zirveyê di malpera Serokomariyê de hate daxuyandin ku wan baştir ditiye ku wê civînê bi Serokwezîr Recep Tayyip Erdoğan û Serfermandarê Giştî İlker Başbuğ re li dar bixin. Di daxuyaniyê de hate bibîrxistin ku di hevdiîtinê de mijarên di rojevê de bi berfirehî hatine nîrxandin û wiha hate gotin: "Bila gelê me baş bizanibe ku ev pîrsgirêk dê di çarçoveya makezagonê de bêne çarserkirin û bila her kes di vî wari de bi berpirsariyê tevbigere. Erdoğan li Parlamentoya Tirkîyê (PT) derbarê hevdiîtinê de gotiye, "Hevdiîtin gelek baş derbas bû." Hejmarê subayên hatine girtin, derket 20'an Degnvedana 'Plana Darbeya Balyozê' li Tirkîyê dewam dike. Doh ji 20 subayên birin adliyê, 7 jê wezîfedar bi giştî 13 kes hatin girtin. Bi vî awayî, hejmarê subayên ji pêr ve hatine girtin, derket 20'an. Di çarçoveya "Plana Darbeya Balyozê" de Koramiral Feyyaz Ögütçü, 7 ji wan subayên wezîfedar, 20 kes heta dereneğiya rojêfîfade dan dadgehê. Di encamê de, 10. Dadgeha Cezayê Giran ya Stenbolê ji ber 'Bi hewildana hilweşandina Hikumeta Komara Tirkîyê û endamtiya rêxistina terorê' biryara girtina 13 subayan da.

AKP bo berdewamiya desthilatdariya xwe dest bi operasyonê kir

Piştî li dijî AKP doza girtinê hate vekirin û derdorên militarîst û şoven AKP xistin tengasiyê û imaja AKP xirab kirin, niha AKP ji nû bi dest xistina hêza û bo çavtirsandina wan dersoran hin beşên çeteya Ergenekonê deşîfre kir.

Lê wisa xuyaye ku AKP wê çeteyê bi temami ji holê raneke û dewleta kûr a Tirk û çeteyên bi rengî her hebin. Jixwe AKP guhertina helwesta xwe hember Kurdan û êrişkirina ser gelê kurd dide diyar kirin ku naxwaze şerê li bakûrê Kurdistanê bi dawî be. Li aliyê din de ji gelek eşkereye ku çeteya Ergenekon yek ji bingehîn hêz e ku şerê qirêş a li bakûrê Kurdistanê li dijî kurdan dimeşin e ye.

AKP çawa ku di bûyera Şemzînan û kuştina Hîrant Dînk de bûyeran bi temami deşîfre nekir û çavkaniya sûcdar dernexist holê wê di mijara Ergenekonê de ji bi ixtimaleke mezin wisa be.

AKP li aliyekî piştigiriyê dide şerê qirêj a li Kurdistanê li aliyekî din jî hawara demokrasiyê dike.

Ergenekon encameke şerê li dijî Kurdan e

Piştî darbeya 12'ê İlonê nakokiyên Tirkîyeyê rû guhertin. Ergenekonê ji li gori van nakokîyan ango li gori pêdiviyên dewletê xwe bi navên cur bi cur nixumand. Bû TIT, JİTEM, Vatanserver Subaylar, Kuvayî Milliye û hwd. Ekîba Cem Ersever hate

tasfiyekirin, cihê wê ya Mehmet Agar İbrahim Şahin hate ser kar, qezaya Susurlukê ew bi tevî Abdullah Çatlı têk birin. Piştî wan ji Ergenekonê xwe bi Atabeyan, bi Kuvayî Milliye, bi generalên teqawit li ser kar girt. Ji ber ku Ergenekon damareke eslî ya veşartî ya dewlet û artêşê bû.

Her çiqas çapemeniya tirk çete bi navê "rêxistina terorê" ilan kir û general û payebilindên dewletê yê berê hatin girtin jî, ji ber wê yekê ye, ji binî ve tasfiyekirina Ergenekonê xeyal e. Hikûmet, dewlet û artêş adaptosyona wê li gori şertên rojane pêk tinin. Ji bo ku çete ji binî ve têk bike, divê îradeyeke gelekî xurt hebe. AKP û wan hêzan bo berjewendiyên xwe ketin qirika hev û din.

Arteşa Tirk û çeteyên han hevparin bi hev re ne

Ji avabûna heta iro dewleta Tirk di eslê xwe de dewleteke militarîste ku hemû bingehên wan ser derew, tirs û tehdîtan hatiye avakirin. Ji ber wê bingeha pûç girseya kemalist û xwedî berjewendî û derdorên birêvebirîya veşartî ditirsîn ku bi guherandina perçeyeke biçûk ya derewên ku bingeha komara Tirk e wê bibe sedema têkçûna hemû derewan û hilweşîna wê komarê.

Arteşa faşîst-kemalist a Tirkan bo parastina wê pergale gelek caran bi derbeyên vekirî an jî veşartî midaxaleyi demokrasiyê kirin.

Dewleta Tirk çareseriya pirsgirêka Kurd ji bo berjewendiyên xwe anî rojevê

Serhad B.RÊNAS

Dewleta Tirk çareseriya pirsgirêka Kurd ji bo berjewendiyên xwe anî rojevê. Nîqaşên li ser çareseriya pirsgirêka kurd ku bi gotinên Ebdullah gul gur bû didiome. Dewleta Tirk 80 sale bi zext û zorê nedîtî hewl da ku hebûna kurdan ji holê rake di encama tekoşîna rîzyariyê a milletê Kurd de êdî neçar ma ku hebûna milletê kurd qebûl bike. Lê dewleta Tirk ser bîngeha tune kirina Kurdan hatiye avakirin di demên daî de ji çareseriya pirsgirêka Kurd li benda qezencên stratejîk e. Hikumeta AKP piştî hilbijartinan bi tundî êrişî ser dezgeh û sazîyên Kurdan kir. Piştî bi riya Ebdullah Gul "çareseriyê" anîn rojevê. Lê piştî baş deket holê ku "çareseriya" wan girtin, lédan, ceza dana zarokên Kurd, qedexeya zîmanê Kurdî, girtina DTP û êrişê ser medyaya Kurdî herî dawî ji ya ser Roj Tv'ye. Daxwazên neteweyî a kurdan hê ji wek "cûdaxwazi" yê tê nîrxandî. Li gor dewleta Tirk çareserî ji çek danîna PKK derbas dibe.

Lê dewleta Tirk tu rê û nexşe û planê piştî çekberdana PKK êşkere nekiriye. Ango Kurd dev ji çek berdin de beramberî vê yekê de çî bi dest bixin ne diyar e. Ji bo çareseriya pirsgirêka kurd modeleke çawa tê fikirin ne diyar e. Tenê behsa çend gavên "çandî" tê kirin.

Dewleta Tirk ku di çareser kirina pirsgirêka Kurd de bi avayekî dûrû tevdi gere û piştî gavên baş her tim gavên êrişkirinê ser kurdan davêje

Wekî minak ger dewleta Tirk di çareseriyê de samimî be divê pêşî zîmanê Kurdî serbest bike. Serbet kirina zîmanê Kurdî bi TRT6 nabe. Ger dewleta Tirk di meseleya Kurdî de ji dil be... Heger dewleta Tirk serbest kirina zîmanê Kurdî de ji dil be û berjewendîya Kurdan difikire û naxwaze zîmanê kurd lawaz be divê berê wan gavan bavêje; 1-Navên gund, navçe, bajar û cihên Kurdan paşve vegeherî Kurdî. 2-Di fermiyetê de (şaredarî, dibistan, zanîngêh, nexweşxane, daireyên fermî) zîmanê Kurdî bi her avahî were bikaranîn. 3-Dev ji ceza dayin û qedexa kirina rojname, pirtûk, malper, kovar, radyo û televizyonên Kurdan berde. 4-Bi temami qedexeyên ser Kurdî di mitîngan, afîşan û propagandayên siyasî de were rakirin. 5-Ne di TRT de bila mafê weşana bê sinor bi zîmanê Kurdî di tv yê taybet de were dayin.

6-Bila beşên Kurdolojiyê di zanîngêhan de were vekirin. 7-Perwerdeya bi zîmanê Kurdî (di serî de herî kêm yê destpêkê û dersên bijare) were serbest dayin. 8-Li Tirkîye zîmanê Kurdî wek zîmanê fermî herî kêm di asta bakûrê kurdistanê de were pejirandin. Ger dewleta Tirk herî kêm wan xalan bi cih neyîne kanala Kurdî ya TRT de ji xapandin û zêdetirî xistina Kurdan kontrola dewleta Tirk zêdetir wateya wê nebe. **Hesaba dewleta Tirk heye** Dewleta Tirk bi qestî derbarê çareseriyê de gavan navêje û tenê rê li niqaşan vedike û her çîqas Ebdullah Gul "ji bo çareseriyê divê ecele bê kirin" gotibe ji tu nişaneyê ecele kirinê a dewleta Tirk nîne. Berovajî vê yekê hê ji diji parlementerên Kurdan doz tê vekirin hê ji ehmer bikaranîna zîmanê Kurdî ceza dibarin. Çavdêrên siyasî diyar dikin

ku li pişt hêdî bûna hikumeta AKP de hesabên berjewendiyê hene. Li gor çavdêrên siyasî dewleta Tirk heta ku deskeftiyên Her çîqas dewleta Tirk di çareser kirina pirsgirêka kurd de hin agav davêje be ji dewleta Tirk naxwaze kurd pêşkevin û li gor Tirkan divê Kurd neyêne tune kirin ji divê bêne kontrol kirin. Disa eger Kurd dixwazin mafên neteweyî di dest bixin di vê pêvajoyê de divê giraniyê bidin diplomasi û xebatên siyasî û girseyî. Di vê niqteyê de ji berpirsariyê dikeve milê hemû rexistin, sazî û dezgehên Kurdan. Ev rewş kêm zêde bo hemû perçeyên Kurdistanê eynîye. Her wiha li ser vê axa Kurd bi hezran sal dijin û di wan

serhadbrenas@yahoo.com

Hilbijartineke dîrokî

ZINARÊ XAMO

Li seranserê Îraq û Kurdistanê bi milyonan hilbijêr iro çûn ser sindoqan û ji bo pêşeroja welatê xwe dengên xwe dan. Li gor raporên çavdêrên hilbijartinan him li Îraqê û him ji li Kurdistanê rêjeya beşdariyê gelkî bilind e. Ez hêvî dikim ku bi rastî ji rêjeya hilbijartinê bilind be û bi taybetî ji li Kurdistanê. Lê li gel vê jî, di hevpeyvîna bi hilbijêran ra diyar dibû ku li Hewlêrê, Dihokê, Çemçemalê, Kerkûkê gelek kesî nikanibûye dengê xwe bide. Hin nûçegihanên qala 10 hezaran hilbijêr dikirin. Hin kes kartên wan yê dengdanê di destên wan da bûn, lê digotin navên wan di listeyên dengdanê da tunene û loma ji nikanin dengên xwe bidin. Îcar hejmara vê yekê çî ye ez nizanim, lê meriv hêvî dike ku ne hejmareke pir zêde be û Kurd ji bo vê yekê piştî hilbijartinan bi hev nekevin. Wek dihat texmînkirin, hêzên terorist destê sibê li çend ciyan bombe teqandin û di neticeya van teqinan da bi kêmanî 40 kes hatin kuştin û li dora 100 kesî ji birindar bûn. Lê li gor beyana berpirsiyarekî pûlisê Bexdayê, van êrişan tesîreke ekeksî tirsê li gel kiriyê û gel bi cesaret û ezmeke hin meztîr çûye ser sindoqan û dengê xwe daye. Li Îraqê û Kurdistanê 19 milyon û li dervayî welêt ji milyonek û 900 hezar hilbijêr beşdari hilbijartinan dibin. Di hilbijartinan da ji 6 hezar namezeta bêtir ji bo 325 kursiyên parlamentoyê micadela didin. Li gor beyanên berpirsiyarekî hilbijartinan, pêncsed (500) çavdêrên navnetewî, 70 çavdêrên Yekîtîya Ereban, 250 hezar çavdêrên îraqî û 100 ji çavdêrên Yekîtîya Ewropayê li Îraq û Kurdistanê çavdêriya hilbijartinan kirin. Bêyî van çavdêrên resmî, ji gelek walatan ji li dora 800 rojnamevanî hilbijartin şopandin. Serokkomarê Îraqê Celal Talebanî, di dema ku li Dibistana Rewşen Bedîrxan ya Silêmaniyê dengê xwe da, daxuyaniyek da û got, di avabûna hikumeta nû ya Îraqê de ewê hin hêzên nû derkevin. Li gor Talebanî, hilbijartina vê carê ewê nexşeya siyasî ya Îraqê bi temami biguhere. Li ser pirsên rojnamevanan yê derbarê namezeta wi ya serokkomariyê da ji Talebanî wiha got: "Ji bo berendamîya serokkomariyê Îraqê ez berendamê Serokê Herêma Kurdistanê Mesûd Barzanî me. Şansê gurûbên biçûk li himberî min pir kêm e." Talebanî, di derbarê listeya Goran da ji texmîna xwe wiha aniyê zimên: "Goran dixwaze YNK-ê di van hilbijartinan da li Kurdistanê bike hêza sêyem, lê li gor min Lista Goran encax dikane 3 kursiyên bi dest xe. Û li Parlamentoya Bexdayê ji kurdê bibin xwediyê 60 kursiyên." Ez hêvî dikim ku texmîna Talebanî rast be û bi rastî ji kurd bikanîbin 60 parlementerî bişînin Parlamentoyê Bexdayê. Dema kurd hejmara parlementerên xwe zêde bikin, ev yek ewê rol û hêza kurdan ji zêdetir û xurttir bike. Ji bo kurdan neticceya herî baş ew e ku kurd wek nuha bibin hêza "kilit, bêyî kurdan kes nikanibe hukûmetê ava bike. Ji ber ku heta ku ereb muhtacî tifaqa kurdan bin ewê nikanîbin bajon ser wan û biryarên gavên li diji wan bavêjin. Lê roja ku herdu serî (sunnî û şîî) li hev bikin û hewcedariya wan bi tifaqa bi kurdan ra nemine dikane zirarê bidin kurdan. Netice di her halûkarî da ji hilbijartinan xurtderketina kurdan him li cihanê û him ji li Îraqê rewşa kurdan ewê xurttir bike. Li Kurdistana Federe, azadî û pêşeroja kurdan hin tam nekete ye bin garantiyê, rewş dikane hertim biguhere. Bi taybetî ji di vî wari da şêla Emerikayê gelkî girîng e. Gelo Emerika heta kinga ewê li Îraqê bimine û alikariya kurdan bike? Garantiya vê yekê ne di destê kurdan da ye... Minxabin hin ji milletê kurd ji bo azadî û serbestiya xwe bi heftûheft diwêlan ra şer dikin, tirk, faris û erb ji bo ku kurdan bifetisînin hin ji di kemîna da ne. Kurd ne bi erebên Îraqê ra tenê, bi Sûriyê, Îranê û Tirkîyê ra ji di nava şerekî bêdeng da ne, van hersê dewletên zalim ji bo tekbîrîna Kurdistana Federe hin ji li pey fersendekê ne. Lê pêşketin wisa nişan didin ku karwanê serxwebûna kurdan carê ketiye rê, li wan bibe jilî û şepelî ji, bibe berf û baran ji, bibe bahoz, tozan û bager ji zû dereng miheqeq ewê bigihîjin hedefa xwe, welatê xwe rizgar bikin...

Hebûn an jî tunebûn

FAHRÎ KARAKOYUNLU

(Zîman û Peyman)
"Tekoşin û serhildana her geli, bi serhildana çandî destpêdike"
(CABRAL)
Wek tê zanîn, zîman; ne tenê di nabeyna mirovan û civatê de navgîna ragihandinê ye. Zîman, ifade kirina çanda civatê ya bi tevayî ye. Hingî zarok di hemla diya xwe da ye, gelek taybetmendîya ji dayika xwe digre û yê di nav van taybetmendîyan de yek jî; jê dengin. Ev dengana, gava zarokê tê dinê û bi zîmanê dayika xwe diaxîfe, dibe bîngeha zîmanê zîkmakî. Disa zarok, hewcedariyên xwe yê herî hêsa bi van dengana tine zîman. Ewîlî, bi diya xwe re, dîre ji bi derdora xwe re, bi vî zîmanî dikeve tîkîliyê. Ji ber wî, zîman, bi taybetmendîyên din yê çandî re, xwe bi kesayetiya wî zarokî re dike taybetmendîya herî girîng. Tê zanîn ku, kesek zîmanekî din çîqas baş hinbibe ji, ji aliyê kesayetiya mirov, zîmanê dî re hinbûyî, wek zîmanê zîkmakî bandora xwe nikane li ser mirovan bike. Wek disa tê zanîn ku, zîman, ji bo civatek etnîkî hêmana esasî ye. Gava mirov, ji nav civakê zîman rake, ji aliyê taybetmendîya etnîsiyê tişteki zêde namîne. Zîman ji bo etnîsiyê wek neynîkê ye, civak xwe di zîman de dibîne û nasdike. 21ê Sibatê wek "Roja Zîmanê Zîkmakî ya Cihanê" çîma te pîrozîkirin: 21ê Sibatê wek "Roja Zîmanê Zîkmakî ya Cihanê" ji aliyê UNESCOyê, di 17.11.1999 de hatiye îlankirin û ji sala 2000 î vir de jî, tê pîrozîkirin. Saziya Perwerdehiyî, Zanistî û Çandî ya Neteweyên Yekbûyî (UNESCO), tekoşîna gelê Bengladeşî ya ya di roja 21 Sibatê sala 1952an de ji bo zîmanê zîkmakî dabûn, wek sembolek (nişaniyek) qebûl kir û ev roja wek "Roja Zîmanê Zîkmakî ya Cihanê" ragihand.

Gelê Bengladeşî û bi taybetî xwendevanên Bengladeşî, ji bo zîmanê Benglî, li ber zîmanê Pakîstani-Ûrdî bibe zîmanê fermî, xwepêşandaneke girseyî li darxistin. Di vê çalekiyê de, 11 xwepêşandêr ji aliyên polîsan ve hate kuştin. Ev daxwaziya gelê Bengladeşî, her berdewam kir û Dewleta Pakîstani neçar ma û di 1956 de zîmanê Benglî jî, wek zîmanê Ûrdî kir zîmanê fermî. (Bengladeş heta 1971 di bin dagirkeriya Pakîstanê de bû) UNESCO, bi îlankirina vê rojê re, dixwaze balbîkşîne ser zîmanê di xetere

de û zîmanê li ber windabûyîne de ne. Ji bo vî jî, bi pêşengîya NY û UNESCO ye gelek peyman, agadari û pêşgiri hatine girtin. Di van peyman, agadari, û pêşgiriyan de, bang li dewleta tê kirin û ji wan, di derbarê kêşeyên zîman û çandan de çareserî tê xwastin. Her çîqas hinek agahiyên ne misoger be jî, li gor raporta Ethnologueyê (Atlasa UNESCO yê ye) ya herî dawî; heta nûha, li rûyê cihanê hijmara zîmanên hatiye peyitandin (tespîtîkirin) 6912 ye. Li gor zîmanzanê Avûstralyayî Christopher Moseley 2511 zîman di bin xetereya windabûyîne de ye. Li gor raporta Ethnologueyê, 96 jî sedî nifûsa (serjimêr) cihanê 320 zîmana bikartîne. 4 jî sedî nifûsa cihanê jî, zîmanê mayî bikartînin. Disa li gor vî raportê, zîmanên di bin xetereya tunebûnê de ne, wek "ji birindarbûna sivik bigre heta mirinê" bi penc asta hatiye tespît kirin. 607 zîman wek birindariya sivik di pêvajoyek hessas de, 632 zîman wek birindarên di asta nexweşxaneyê de, 502 zîman di xeterek cidî de û 538 zîman jî, li ber lîxweytîkirina zêde, di asta xetereyek wehîm de ne. 220 zîman jî, di van 60-70 salên dawîn de mirin e. (www.ethnologue.com- www.unesco.org/culture)Raporta UNESCOyê, zîmanên di bin xetere de ne, bi awakî din disenîfîne (tasnîf dike). Gor vî senîfandinê, zîmanên di grûba "hessas de an li ber xetere" de ne, tenê di nav malbatan li malan de bi zarokan re tê axaftin. Zîmanên di "bin xetere" de ne, êdî li malan bi zarokan re wek zîmanên zîkmakî nayê axaftin. Zîmanên di "bin xetere cidî" de ne, tenê kal û pîr dizanin û diaxîfin, zarokên wan bes fêhm dikin lê neviyên wan, tu fêhmakin. Zîmanên di bin "xeterek wehîm" de ne jî, tenê kal û pîr dizanin û karin biaxîfin.

Gerîndeyê (Midûr) UNESCOyê Koichiro Matsaura wiha dibêje: "Bi mirina zîmanekî, gelek berhemên mirovahiyê yê çandî ya ne maddî (razber) jî wînda dibe. Bi taybetî; helbest, destan, gotinên pêşyan û henek jî, bi zîman re wînda dibin û vana ji bo civatekê, mirat û kevneşopiyên devokîne. Zîmanên mînda dibin, di derbarê gerdûnê de zanînen resen ji bi xwe re dibin." Giringiya vê rojê, ji bo jiyana nîrxên mirovahiyê bi taybetî zîmanên zîkmakî ne. Lê mixabin li rûyê cihanê, bi navê zordestiyê û nijatperestiyê ji bo zîmanên hindîkahiya û çandên cûda rêzgirtin û tolerans neme ye. Ev nehîrtina û sedemên wekî din, ji rûyê gerdûnê, ji nîrxên cihanê her roj hinek tiştan kêm dike. Gava ku mirov bi zanebûn û vicdan li mijarê binêre; ya dimire û dihere, perçeyek jî her civakê, ji her kesî ye. Li ser zîman û çand, helwesta Dewleta Tirk çî bû û çî ye?

Wek tê zanîn, proja Komara Dewleta Tirkîyê, projek dewletek netewî bû. Gor damezrênerê komarê, li Tirkîyê tenê netewek he bû û ew jî navê xwe Tirk, zîmanê xwe Tirkî, ola xwe Îslam û mezheba xwe jî Sunî bû. Lê ev ne rastîya Enadolê bû. Rastîya Enadolê di her demê de pîzîmanî, pîrolî û pîrçandîti bû ye. Felsefeya damezirandina komara Tirk, li ser red û înkare hatiye sazîkirin. Ev politîka bi hinek guhertinê vê dema dawiyê hin ji berdewam e. Ev felsefa di makezagonê de bi zîndî xwe nişan dide. Makezagon xal 3: Dewleta Tirkîyê, bi welat û netewa xwe tevahiyek e û nê dabeşkirin. xal 66: Kesên ku bi pêwendîya hemwelatîbûyîne bi dewleta Tirk ve girêdayîne, Tirk in. xal 42/1: Tu kes, ji mafê perwerdehiyê û hinkirinê nête mahrûm kirin. 42/9: Zî xeynî zîmanê Tirkî, tu zîman ji bo hemwelatîyên Tirk di sazîyên perwerdehiyê û hinkariyê de, bi navê zîmanê zîkmakî nête xwend kirin û hinkirin. Hukmên peymanên navnetewî veşartîneLi gor makezagona dewleta Tirk, kesên ku hemwelatîyên Tirkîyê ne, Tirkî Gor makezagonê, Kurd û kesên hemwelatîyê Tirkîyê ne jî, Tirkî in.

Gava ku herkes Tirk in wê demê zîmanê zîkmakî yê hemwelatîyên Tirkîyê jî Tirkî ye, û bê Tirkî jî tu zîman bi navê zîmanê zîkmakî li sazîyên perwerdehiyê nê te nête xwend kirin û hinkirin. Gava ku mirov li peymanên navnetewî, bi taybetî yê li ser zîman û çandî dinîherin, di hiqûqa navnetewî ya mafên mirovan de, sazîkirina mafên çand û zîman, geleki di pêş de ye. Jiyana zîmanê Kurdî, hebûn an tunebûna gelê Kurd e. Heta ku ev mafê rewşa bidestkeve, gere, Kurd li her li deverê welat û cihanê di nav tekoşînê de be û vala nesekine. Ji bo vî jî gere her malek bibe dibistanek û her kurdek jî bi be mamostayek. Em birnekin ku xelesa siyasetê ya herî qels ev e.

Navneteweyî

Şilî bi saya plansaziyê kêm qûrbani da

AMED (Pêşketin) : Şilî bi pêçnadina brinên xwe hewl dide. Serok komarê Şilîyê ragihand ku hejmara kesên ji ber erdheja 8.8 Richter û Tsunamiya ji ber wêjiyana xwe ji dest dane gihêste 1023 kesan. Michele Bachalt her wiha got: muhtemel e ku hejmara goriyan jorda here ji ber ku gelek kes hela bê ser û şûn in.. Bi taybet li bajarê Concepcion ê, ku hejmara gelhe 670 hezar kesin, li vir bajar hilweşyaye,

gelê vi bajarî li kolona radibin-rudinin, radikevin. Her wiha pêdiviya xwarin û vexwarinê ji li vir bêtire. Lê beramberî şideta mezin a erdheja ev hejmara miriyan gellek kêm e. Pispore diyar dikin ku sedema vê yekê plansizya baş a di warê bajarvaniya Şilî ye. Ger erdhejek wisa di welateke Tirkîye çêbe dikare bi sed hezaran mirov jiyana xwe ji dest bidin.

HAWAR NET.com



KURTE NÛÇEYÊN NAVNETEWÊYÎ

Amerîka hewl dide ku Çînê bi fuzeyan dorpêç bike

Li gori pisporen leşkerî yên DYA û Çînê, DYA Çînê bi mertalên fuzeyan dorpêç dike. Heman tişt berê ji ji aliyê başûrê Ewropayê ve li dijî Rûsyayê hatibû kirin, lê ji ber bertekan paşve hatibû kişandin

Leşkerên Amêrikî ji bo demekî ne diyar dikarin li Haîtîyê bimînin

Baylozê Amêrikayê li Haîtî Kenneth Merten tekez kir, ku Leşkerên Amêrikî ji bo demekî ne diyar dikarin li vî giravê Karîbê bimînin. Agahiya han ji aliya ajansa RIA novosti hatiye belav kirin.

Di navbera Îngîlistan û Arjantînê de krîza 'Falkland'

Britanya di 60 km. dûrî giravên Falkandê dest bi kolandina birên petrolê kir. Ser vê yekê Arjantîn bi avayekî tun rêvebirîya Britanyayê hişyar kir û daxwaza vekîşandina wan kir. Tê diyar kirin ku ji ber krîzê her dû welat dê biçin Neteweyên Yekbûyî. Erbarê mijarê de welatên Latîn Emerîka ji piştgiriya Arjantînê dikin. Giravên Falklandê demeke dirêje di navbera Îngîltere û Arjantînê dibe pirsgrîk.

Gelo li Qefqesan şereke mezin nêzik dibe?

Wezirê Parastinê ya Ezerbeycanê Abiyev diyar kir ku ger Ermenî ji Qerebaxê venekêşin dê di demeke nêzik de şerek mezin biqwime. Tê diyar kirin ev gotina Abiyev derbarê mijara Qerebaxê de tehdîta herî mezin a salên dawî ye. Di daxûyaniya wezaretê parastinê ya Ezerbeycanê de tê gotin ku "Êdi sebra me nema, em nikarin 15 salên din bisekinin êdi dema ordiyê hatiye, li Qefqasaya başûr dibe ku şerekî pir mezin biqewime".

Koreya Bakûr Artêşa xwe derbasî rewşa alarmê kirin

Koreya Bakûr ji ber manevraya leşkerî ya hevbeş di navbera Emêrika û Koreya Başûr da Artêşa xwe derbasî rewşa alarmê kirin. Tê ragihandin, ku 38 hezar leşker beşdarî manevrayan dibin. Li gor nêrîna Pxnayan manevreyên han, pêşrewe dagirkirina Koreya Bakûr in. Ji Femandariya Artêşa Koreya Bakûr ragihandin, ku manevre bi şewazeke erîşkar tê li dar xistin û lewma ji Pxnayan êdi pêgiri peyman aştîya bi Seûlê re nine. **Ji bo Zêdetir Nûçeyên Navneteweyî hawarnet.com**

Vatîkan bi skandala seksa gay dihêje



Navenda cihana Katolîkan Vatîkan bi skandala seksa gay dihêje

Derket holê ku oldareke Nijeryayî ku di ayinên Vatîkanê de ji Papa 16'mîn Benedîkê re alikariyê ji dike fahişeya gay firotiye. Ghinedu Ehiem'a 40 salî di dema bazariya fehişeyê dikir axaftinên ji aliyê polîsan ve hate tespît kirin. Her wiha derket holê ku Ehiem gellek caran derbarê fehişeyên gay de bi Angelo Balducci re ji axifiye. Ev skandal niha Vatîkanê dihêjine û di rojê de mijara yekem e. Ji aliyê Vatîkavê ve hê daxûyaniyeke fermî nehatiye dayin.. **HAWAR NET.com**

Îsraîl dixwaze hevdîtinên aştîyê ji nû ve destpêbikin



QUDÛS: Îsraîl dixwaze awayeke bi lez bi Filistinîyan ra pêvajoya guftûgoyên aştîyê nûjen bike. Derbarê wê yekê da, serokwezîrê Îsraîlê Binyamin Natenyahû bi telefone ji serokkomarê Misirê Husnî Mubarek ra ragihand. Mubarek ji, jê daxwaz kir, ku dest ji avakirina xaniyan li deravên rojava çemê Êrdînê û dorpêçana Xezzayê berdin. Guftûgoyên aştîyê di navbera Îsraîl û Filistinê da, di sala 2008'an dema Îsraîlê dest bi operasyona li ser Xezzayê kir hatibûne birin. Serokê Filistinê Mahmûd Ebbas îro di liga dewletên Ereba da, nûjenkirina diyaloga bi Îsraîlê ra gotûbêj dike. **HAWAR NET.com**

HAWAR NET
hawarnet.com

kurdistan
zanyarî zaxo amed duhok
mêrdin batman hewlêr sine agirî xaneqin
cizir erxani erîn wan colêmerg mehabad riha ardîs bedlis
sêrtî sîrnex mehabad qamislo
silêmanî nûçe idir kerkûk
washington cihan
berlin paris sam tokyo tel aviv
brüksel mekke tehran qudûs
aktuel zanist ziman huner
çand rojev medya şîrove

zanîn xwe nasîn e...

HAWAR NET
hawarnet.com

Nîjeryayê pevçûna dînî; 200 kuştî

Li Nîjeryayê ji nû ve şerê nevxweyî bilind dibe

(Pêşketin): Li Nîjerya, li gor agahiyan di pevçûneke bajerê Jos ya kêşbar de, herî kêm 200 gûndiyên Kristiyan hatine kuştin. Rûniştîyên gûndê Dogo Nahawa yê başûra Jos dibêjin, êrişbirên Misilman roja Yekşemê danê sibede avêtin ser gûndê wan. Gûndî dibêjin, êrişbir gule barandin ser gel ku, ji malên xwe derkevin û bi kêr û satoran êrişî wan kirin. Gûndî dibêjin, êrişker Fulaniyên Misilman in û jibo tohildanê eêriş wan kirine. Sedema wê êrişê, heta niha naye zanin lê hinek rojnamevan dibêjin ihtimal e ew qirkirin jiber sedemen olî be. HAWAR.NET.com



Kîjan welat ji bo fûtbolê şer kiri bû?

Welatê Hondûras mafê tevli bûna qûpa Cîhanê ya îsalê bi dest xist

Honduras welateke Emerikaya navin e û welatek feqîr e. Havîna bihûrî rêvebirî ket destê leşkeran. Hondûras mafê tevli bûna qûpa Cîhanê ya îsalê bi dest xist. Cara pêşî Hondûras di sala 1969'an de baeşdari Qûpaya Cîhanê bû. Di qûpayê piştî maça El Salvador û Hondûrasê navbera aligirên her dû timan de pevçûn derket. Pevçûna aligaran bû sedema destpêbûna şer a di navbera El Salvador û Hondûrasê de. Elbet di navbera her dû welatan de pirsgrêkên din ji hebûnê li cîhanê cara pêşî bi pevçûna fûtbolê şerek destpêkir. Hondûras êrişî El-Salvadorê kir. Ev bûyer wek Şerê fûtbolê hate binav kirin.

Cîhan bînavber dihêje; Li Teywanê jî erdhêj

Piştî Haiti û Şiliyê îro Tayvan jî bi tundiya 6,4 hejiya

(Pêşketin): Erdhejê giran îro başûra Taylandayê hejand û di encamê de elektrîk qut bû û li beşa tranzîtê jî tevlihevî çêbû. Li gor raporta AFP, di encama erdheja bi giraniya 6.4 ku îro Tayland hejand ne rêk û pêk bûn û wi li hember malbatên behidar yê leşkerên Britani jî elaqeyeke germ nişan nedaye. Bîrêz Brown anî zimên ku hemî xerc û mesrefên şerî cîyê xwe de bûn. Li meha 1'ê îsal, Serokwezîrê berê yê Britanya Tony Blair jî, bersîva pîrsên heman lêpîrsînê dabû û gotibû, tu poşmaniya wi li ser biryara şerê tune ye..

Her wiha, Navenda Lêkolînê Jeolojîk a Amerikayê (USGS), destnîşan kir ku li Şiliya ku erdheja 8.8 lêda, îro bi saeta Iraqê 02:59'ê û bi saeta Tirkîyeyê 03:59'ê erdhejek bi tundiya 6,1 hatiye tespît kirin. Hate zanin ku navenda wê erdhêjê 39 kilometre rojavayê herêma Valparaiso 34 kilometre binerdê bûye. Nêhat diyarkirin ka tu ziyana mal û canî çêbûye an na.. HAWAR.NET.com

Brown; Dagir kirina Iraqê biryareke rast bû

Serokwezîrê Brîtanya Brown, got ew biryarbiryareke di cîyê xwe de bû

(Pêşketin): Serokwezîr Brown, dema destpê kirina şerê Iraqê, Wezîrê Xezîne yê Brîtanya bû. Ew roja îniyê, destbî dayîna îfadeya xwe ya derbarê şerê Iraqê kir. Gordon Brown, wekî wezîrê xezîneyê biryara xercên li ser berevaniyê dabû. Ew rû bi rûyê rexneyên giran dimîne, ku hêzên çek û alavên Brîtani li Iraqê ne rêk û pêk bûn û wi li hember malbatên behidar yê leşkerên Britani jî elaqeyeke germ nişan nedaye. Bîrêz Brown anî zimên ku hemî xerc û mesrefên şerî cîyê xwe de bûn. Li meha 1'ê îsal, Serokwezîrê berê yê Brîtanya Tony Blair jî, bersîva pîrsên heman lêpîrsînê dabû û gotibû, tu poşmaniya wi li ser biryara şerê tune ye..

Ji bo zêdetir nûçeyên navneteweyî hawarnet.com

KURTE NÛÇEYÊN JI CÎHANA ABORIYÊ



Li Yûnanîstanê kaos didome

Xwepêşanderan li Atina paytexta Yûnanîstanê li dijî kêmkirina mûçeyên fermanberan û herwisa zêdekirina bacê li ser hevweletiyên Yonani baregehê wezareta darayîya Yûnanîstanê dagir kirin. Wezareta Aboriyê ya Elmanyayê daxûyand ku Elmanyaa dê ji Yûnîstanê re qet pere nede.

Dizayna dolarê ya nû 21'ê Nîsanê aşkere dibe

Dizayna nû ya 100 dolar banknotên DYA'yê, li Daireya Pere ya beşa Gencîneyê ya Wezareta Darayî ya Dewletên Yekbûyî yê Amerikayê dê 21'ê Nîsanê bi merasîmekê bête nişandayîn.

Sekreterê Giştî yê NY oz da, ku jibo Şiliyê 10 milyon dolaran alîkarîyê bikin

Sekreterê Giştî yê NY Pan Gi Mûn soz da, ku jibo Şiliyê 10 milyon dolaran alîkarîyê bikin. Di meha Sibata da Şili jiber erdhêjê û tsûnamiyê ziyane ketibû. Pan Gi Mûn serdana Şiliyê kir, ku encamên erdhêjê binirxîne.

Di 10 salên dawî de jinên bêkar bûn du qat

Li Tirkîyeyê di sala 1999 de radeya tevlihbûna jinan a karê di sala 2009 de ket ji sedî 26'ê û hejmara jinên bêkar jî bû du qat.

Di KURDO de her tîşt li ber destê te ye...

Ename, sohbet, listik nûçe, video, kêf, agahî û zêdetir...



Zanist û Teknolojî

Bi pîr bûnê îxtiyaca xewê kêr nabe...

AMED (Pêşketin)

Dîvê mirov di 35 saliya xwe de çiqas radikeve dîvê di pîr bûna xwe de ji ewqas rakeve. Hate niha wisa dihat zanin ku bi pîr bûnê pêwîstiya bi xewê ji kêmtir dibe. Lê li gor lêkolîneke zanîngeha Californîna yê derket holê ku di rasti de pîr ji bi qasê ciwanan dîvê rakevin. Li gor encama lêkolîneke îxtiyaxa pîran ji bi qasê ciwanan bi xewê heye û kêr nabe ji di pîran de dibe sedema kêr bûna hişê. Serokê lêkolîneke Prof. Drummond diyar dike ku dîvê

mîrov di 35 saliya xwe de çiqas radikeve dîvê di pîr bûna xwe de ji ewqas rakeve. Drummond dibêje "kesên ser 65 salî ji ber ku di sistema jiyana wan de hin guhertinan çêdibe nikarin baş razên û ev yek ji dibe fikra "êdî pêwîstiya min bi qasê berê jî xewê re nemaye". Ev fikreke şaş e. **Xewa rojê ji pîr başe** Her wiha li gor lêkolîneke din ji xewa nivro ji ji bo xurt bûna hişê gellek baş e. HAWAR NET.com



D.Bekîr di 3G de yekemîn e

Herî zêde gelê Amedê 3G'yê eciband. Li gor daneyên şirketa Turkcellê ku ku nû hate weşandin suprizeke balkeş derket holê. Li gor agahiyên ku Turkcell eşkere kiriye li Tirkîyeyê herî zêde axaftina bi dimen a bi rîya 3G'yê li navçeya navendî ya Diyarbekirê navçeya Sûrê pêk hatiye Ev îstatîkên dawî nîşan didin ku herî zêde Kurd pêşketinên teknolojiyê dîcîbin û zû hin dîbin û bikartinin. HAWAR NET.com

Êşa zirav hê jî li Kurdistanê heye!



AMED (Pêşketin): Girtineke elektronmikroskopîk a bakteriyên tuberkulozê pêk tinin Cihên ku tuberkuloz lê pîr in. nexweşiyeka giran, domdar û mikrobîk e. Bakterîya ko di sala 1882'ê da Robert Kochî keşf kiribû Myco bacterium tuberculosis vê nexweşiyê çêdîkit. Li Kurdistanê hin caran ji vê nexweşiyê ra "nexweşiya zirav" jî dihêtin. Heya destpêka sedesala 20'ê wekî nexweşiyeka bixeter û canstîn bû û heger sawa vê nexweşiyê biketa herêmekê, bi hezaran mirov dîkuştin. Ev nesaxî bi vedîtina dermanên antibayotîk anko dijejk wekî her nesaxiyeka di ya hewdanî hat çareser kirin. Heta dehsala 80'an li sedesala 20'ê ev nesaxî li Welatên Werarkirî ber bi neman diçû.

Jetpack hinek mezin e lê difirîne!

Bandorên Facebook di her qadê de heye. Ji ber torên sosyal ên wekî Facebookê bi taybetî ciwan ji blogan dûr dikevin. Li gor lêkolîneke li Emerîkayê bikaranîna blogan (rojnivîskên internetê) di nava 3 salan de ji ber Facebook û Myspace'ê % 50 kêmtir bû. Her wiha li gor lêkolîneke her çiqas navê Twitter di medyayê de pîr derbas dibe ji di nava ciwanan de ne zêde navdar...



Stres, pîrsgirêka mezin a jiyana nûjen e

AMED (Pêşketin): Stres tê wateya "giraniya borandina jiyane". Di jiyane de hêz û giraniyeka her tiştî heye. Di kargehê de, di tîkiliyên mirovan de, di malbatê de hwd jiyana xwedî tempoyek e. Ev tempoya han hin caran zora tempoya mirov dibe û mirov xwe di bin giraniyê de hisdike. Ev e stres. Stres herçendî negatîv, ewçendî jî pozîtîv e. Stres mirov dîtîkîne ku mirov karê xwe di tempoya jiyane de bike û biserbikeve. Her mirovek xwedî toleransek e. Hin kes zû dikevin stresê, hin jî dereng an kêr. Stres xwedî vîzyonên biyolojîk, psikolojîk û fîzyolojîk in. Li ser fîzyolojiya stresê gelek xebat hatine kirin. Dema organizmaya mirov bikeve xetereyê yan bar giran bibe, organizma dikeve alarmê. Bi her aliyê ve berpêyên xwe nîşandide. Organizma dixwaze û lêdigere ku seri bi vê rewşa nû re derîne, dengeyêkê avabike. Helbet organizmaya her mirovek gori taybetiya xwe reaksiyon dide. Heger organizma seri bi vê rewşa nû re derneyne, ango stres zora mirov bibe, ziyane dide. Ziyana xwe bi her alî ve dide der. Hin cureyên simptomên psikosomatîk jî ber stresê ne. Herwekî stressa mezin ziyane biyolojîk, fîzyolojîk û civakî didin. Pîspor di wê baweriyê de ne ku, jiyana nûjen û tempoya wê gelek ziyane dide mirovan. Mîrov dikare bêje stres, pîrsgirêka mezin a jiyana nûjen e Lê stres kêr nabe ji dîvê hebe ji ber ku stressa kar û xebatê alîkariya serkeftî bûnê jî dike.

Êv morî him bilêzin, him jî kûjer in

Zanyaran diyar kirin ku cureke mûriyan ku li Emerîkaya Navîn diji xwedî çengeyê kûjer e. Tê gotin ku mûriyên bi navê xwe yên zanîstî Odontomachus baurî di saetekê de di navbera 125-233 kilometreyan de bi lezîni devê xwe digire.

Zanyaran dimenên mûriyên bi navê Odontomachus bauriyê bi video ve kişandin û ser lêkolînan kirin. Di encama lêkolînan de hate ditin ku ev mûriyên kûjer neçira xwe bi lez dîkuje û neçir nikare xwe xilas bike. Dirêjahiya mûriyên Odontomachus baurî 7 milîmetre ye. HAWAR NET.com



Ji bo jîndariya goştên ser neynûkan

Amadekirina losyona neynûkan...Nîv kevçiyê şêranî sihik.. Zerdîka hêkekê. Kevçiyêke ava ananasê Malzemeyan baş tev bidin, serê tiliyên xwe nîv saetê di vîlosyomê de bihelîn. Dê goştê ser neynûkên we jîndar û saxlem bibin.



Jetpack hinek mezin e lê difirîne!

Xeyalake din a mirovan bû rasti. Motora jetê pêşi a bi navê Jetpack mirov dikare li piştê xwe hilgire derdikeve bazarê. Hate ragihandin ku di demê nêzik de dest bi hilberina Jetpackê tê kirin. Bo cara ewilî de 500 heb ji Jetpackê were çêkirin. Li gor agahiyên bûhaya vê amûrê 76 hezar dolar be. Fikra amûrê wisa cara pêşîn di salên 1930'î derketibû holê.

Dîzanterî nexweşiyêke çawa ye?

Dîzanterî yek ji nexweşiyên mikrobîk û bisaw e. Pîrriani jî ajalên derbasî mirov dibe. Mixabin li Kurdistanê gelek zarok ji ber vê nexweşiyê dimirin ku çareserîya wê pîr hêsan e. Tesbîtkirina nexweşiyê bî nîrxên laboratûar dijwar e. Bi taybetî testa destava mezin.

Hin nîşaneyên dîzanteriyê

Zikêşeke dijwar îşhel, Miznegirtin, daxwaza mîzê Nebîrêkûpêkûna tîna laş, Du cureyên wê yî sereke hene: Dîzanteriya amîpî, dîzanteriya basîlî. Tedawîya wê hêsan û pîrriani biserketî ye. Dîvê mirov sedî sed derziya parastîne li zarokan bixe..

weşanên nûçe - rojname - tv - kovar - radyo

Hemû linkên ji medyaya Kurdî.

Cihê we yê destpêkê!

Bixwînin - Zindî Temeşe û Gûhdarî bikin


medyayakurdi.com

Avatar tenê 3 xelat wergirt

AMED (Pêşketin)

Xelatên Oscara 82'emîn hatin belav kirin. Avatar ku o neh beşê de wek berendam hatibû nişan dayin tenê 3 xelat wergirt. Her wiha îsal cara pêşî derhênerê jin xelata derhênera herî baş stand. Kathryn Bigelow, bi filma "The Hurt Locker"ê xelata derhênera herî baş girt. Her wiha filma wê "The Hurt Locker" tevî xelata filam herî baş bi giştî 6 xelata Oscarê girt. Listeya xelatên Oskarê ya 2010ê wiha ye: Filmê herî baş: The Hurt Locker Listikvana herî baş: Sandra Bullock (The Blind Side) Listikvanê herî baş: Jeff Bridges (Crazy Heart) Derhênerê herî baş: Kathryn Bigelow (The Hurt Locker) Listikvana çigir a jin a herî baş: Mo'Nique (Precious)

Filmê biyani yê herî baş: The Secret in Their Eyes (Arjantin) Animasyona herî baş: Up Dokumantera herî baş: The Cove (Louise Psihoyos ve Fisher Stevens) Senaryoya xweser a herî baş: Mark Boal (The Hurt Locker) Senaryoya herî baş ji bo sinemayê hatiye lêrikibandin: (Geoffrey Fletcher (Precious) Derhênerê dimena herî baş: Mauro Fiore (Avatar) Muzika filmê herî baş: Michael Giacchino (Up) Strana orjinal a herî baş: The Weary Kind (Crazy Heart) Kostumê herî baş: Sandy Powell (The Young victoria) Makyaja herî baş: Star Trek Efekta ditbarî ya herî baş: Joe Letteri, Stephen Rosenbaum, Richard Baneham ve Andrew Jones (Avatar) SINEMAKURD



Albûmên herî baş a 10 salên dawî ya mûzîka Kurdî (Kurmancî)

10 salên dawî de mûzîka Kurdî him ji aliyê naverokê de, him di warê asta qelîteyê de, him ji di warê rengîniyê gellek gûherî. Em ji wek MUZIKKURD.com li gor pîvanên wek hejmara firotina albûman, him di warê balkişandinê, him li gor rexneyên mûzîkzanên û him ji di di warê mayinde bûna albûman de albûmên herî baş a mûzîka Kurdî a Kurmancî a 10 salên dawî bijartin. Albûmên di listeyê de nayê ve maneyê ku pir serkeftî ne. Pivana me ya sereke ne populer bûnê. Em wek pîvana sereke qelîteya mûzîkê esas girtin ku albûmên han di mûzîka Kurdî deriyên nû vekirine. Sebra Mîn - (2006) Rojda

| | | |
|---------------------------------|------------------------------|----------------------------|
| Derya (2003) Ciwan Haco | Pola Nû - (2006) Koma Rewşen | Westiya Bû - Xêro Abbas |
| Sêdil (2008) Aramo | Jan-Ar (2006) Rotinda | Nûpel - (2005) Aynûr |
| Jar û Evin (2005) Burhan Berken | Wenda - (2008) Mehmet Atli | Çû - (2004) Dîno |
| Si - (2001) Çar Nêwa | Xewna Jiyan - (2008) Serhado | Zend - (2004) Xelil Xemgin |

Ji ceneta xwe kûjera xwe temaşe dikim



Li bendemayîna cenetema min - The Lovely Bones Derhêner: Peter Jackson Listikvan: Mark Wahlberg, Rachel Weisz, Susan Sarandon, Stanley Tucci Susie di 14 saliya xwe de hatiye kuştin û çûye cenetê. Piştî mirinê jiyana wê ya bêyî wê didome, şiroveyên li ser windabûna wê, hêviya malbata wê ku hê li bendê de keça wan zindî bê ditin û rewşa qatil ku dixwaze delilan ji holê rake... Film li ser van diçe û tê. Film ji aliyê atmosferê de we digre bin bandora xwe. Lê li gor rexnegiran film li hemberî bendewariyên ji Peter Jackson ku Efendiya Gustilkan kişandi bû ne zêde başe. SINEMAKURD

Haldûn Dormen bi "Çîrokeke Zivistanê" pirek bo aştiyê ava kir



AMED (Pêşketin): Promeriya muzikala "Çîrokeke Zivistanê" ya derhêner û şanogerê naskirî Haldun Dormen ji piyan ve bi çepikan hate pêşwazîkirin. Promiyeriya muzikala "Çîrokeke Zivistanê" ya ku şanoger Haldun Dormen "bo piştigiriya aştiyê" derxistiye ser sehneyê, duhî, li Şanogeha Bajêr a Şaredariya Diyarbekirê hate pêkanin.

Gelek temaşevan hatin û ligel rojnameger û siyasetmedar bi kelecana lê temaşe kirin. Haldun Dormenê ku di jiyana xwe de yekem listika xwe ya bi kurdi pêşkêş kir, hate ditin gelek bi heyecan bû. Kesên kesên naskirî li leyizê temaşe kirin. Di şevê de axaftin hatin kirin û giringiya vê hewldanê hate bibixistin.

Berhemeke nû ji Weşanên HANÊ: Nalînên Peravan

AMED (Pêşketin): Weşanên Han ev car ji bi romaneke tiji û zengin ya nivîskarê kurd Kovan Sindi »Nalînên Peravan« ve derdikeve pêşberî xwendevanên xwe. Kovan Sindi di vê berhama xwe de mijarên xwe li gor ûslûba realizmeke civakî ristine û zimanekî gûr û dewlemend bi kar aniyê.

Jiyana civakî ya Kurdan, hestên binkeftinê û jinûve şiyarbûna kesayetiya binkeftî, berxwedan û her wiha eza û tedayiyên bê hesab yên hêzên dagirkeran û di dawiyê de windayî... Û wek navê xwe peravên welatekî dinalin...

Ji seri heta dawî bûyer û çîrokên trajîk û helwesta bê radest ya gelekî qedim, gelê Kurd ya li gel vê trajediyê bi ziman û ûslûba rastberî û xemgînî ya Kovan Sindi hatiye ristîn. Ev sêyemîn romana Kovan Sindi ya çapkirî ye. Roman ji çîwar beş û 302 rûpelan pêk dihe.

Nasnameya Pirtûkê:
Nalînên Peravan
Nivîskar: Kovan Sindi
© Han-Grafik & Kovan Sindi
Çapa 1.
Berlin/Çille-2010
Weşanên Han - 21
Roman- 9

Li Diyarbekirê Navenda Danûstandinê ya City Center ku de debara 400 kesi pêk bine, bi merasîmekê hate vekirin. Qurdêleya vekirinê, Waliyê Diyarbekirê Hüseyin Avni Mutlu û Şaredarê Bajare Mezîn ê Diyarbekirê Osman Baydemir bi hev re birrî.

Erdhêj zêde dibin; Gelo bi rastî qiyamet nêzik dibe?

HEWLÊR (Pêşketin): Erdhêja li Haiti û Tayvanê, li Şîli û li Kamçatkê bûne sedemê wê yekê, ku li ser nêzbûna roja qiyametê tê axaftin. Bûyerên xwezayî her diçe zêdetir diqewimin. Di sedsala 21'an da ew bûyer bûne sedemê mirina bi sedan hezaran mirovan. Li Okyanusa Hindistanê bi tevî tsunamîyê erdhêjek gelek bi hêz li Sûmatreyê qewimî. Li Mayamî, Karîb û Amerîkayê tofanên mezin serî hildan. Rûpelên nûçeyan bi lêhî, şewatên

daristanan, heyelan û bablisokan tûje ne. her roj daneyên nû yên derbare germbûna global tene ragihandin. Di destpêka salê da erdhêja li Haitiyê cihan xemgîn kir, ku paytexta wî welatî Porto-Prens ser û bini bû. Bi wan bûyeran ve girêdayî dest bi pêşbîniyan hate kirin, ku sala 2012'an dawîya jîyanê ye. Salnameya kevnare ya Mayayê jî ji bo pêşbîniyan dikine bingeh. Cîvatên internetê bang li hemû kesên dikin, ku bi kêfxweşî pêşvazîya dawîya jîyanê bikin.

IQ'yên cixarekêşan kêmtir e

Ji Reutersê nûçeyê balkêş a tenduristiyê... Kesên ku cixare dikşînin IQ'ya wan kêmtir e..Li gor nûçeyê lêkolîneke li îsrailê nişan dide ku asta jiriyên cixare dikşînin li gor kesên ku cixare nakşînin 8 puan kêmtir e. Li gor lêkolînê;> Kêmezêdeya IQ'yên kesên cixare nakşînin: 101 > Kêmezêdeya IQ'yên kesên cixare dikşînin: 94 > Kêmezêdeya IQ'yên kesên her roj 1-5 cixare dikşînin: 98 > Kêmezêdeya IQ'yên kesên piştî 18 saliya xwe dest bi kişandina cixare kirine: 97 > Kêmezêdeya IQ'yên kesên her roj paketek an jî zêdetir cixare dikşînin: 90Pispor pêşniyar dikin ku kesên ku asta IQ'yên wan kêmtir e di dema dibistanê de bêne tespît kirin û ji ber ku zêdetir meyla wan bo kişandina cixare heye ji bo asteng kirina wan xebat bêne meşandin.



"Kişandina cixare koletiyê"

Hember afîşên "Kişandina cixare koletiyê" nerazîbûn

AMED (Pêşketin): Kampanya cixare kêşan bihêrs kir. Li Frensayê afîşên kampanyayêke diji cixareyê de bû sedema niqaşan. Di afîşan de ciwan bi zilameke ku cixareyê simbolîze dike mîna ku oral seks dikin hatine nişan dan. Slogana kampanyayê jî "Kişandina cixare koletiyê" ye.

Komên feminîst, cixarekêş û rastgir dixwazin afîş bêne rakirin. Amadekarên kampanyayê jî diyarîdîkin ku balkişandina afîşên tiştêke baş e û de bi saya wan afîşên malbat zarokên xwe jî cixareyê zêdetir biparêzin..

Kupaya Cîhanê di bin garantiya Interpolê de ye

AMED (Pêşketin): Bo Kupaya Cîhanê ya 2010'ê ku li Afrika Başûr tê lidarxistin, bergiriyên ewlehî di asta jor de hatin girtin. Li gori daxuyaniya FIFA ku li civîna ewlehî ya Zurichê da xuyakirin, di havîna pêş me de "Afrika 2010 Kupaya Cîhanê" tê lidarxistin de Interpol û hêzên ewlekariyên neteweyî yên Afrika Başûr bi hev re wê bixebitin. Li gori daxuyaniya ku di malpera www.goal.com de çîh girtiye, Serokê Daireya Operasyonê yê Interpolê Chris Eaton got, "Wek Interpolê hemberî hemû bûyeran em ê bergiriyên xwe bigrin. Bê haya me çûk jî wê nefire.

Şefê Polîsê yê Afrika Başûr Bheki Cele jî got, bo cîhek ewle çêbikin nêzi 200 milyon dolar pere serf kirine û domand, "Divê insan fêm bikin ku, Kupaya Cîhanê ne şer e. Di navbera 11 Hezîran û 11'ê Tirmehê de em ê mihricanek dimenî temaşe bikin. Bo temaşevan xwe di nava ewlehiyê de bibinin, çî ji destê me were em ê bikin." Cele got, bo parastina 32 welatên ku beşdarî tûrnûvayê dibin xebat dimeşînin û domand, "Li vir di rojê de 50 kes tén kuştin. Bo wê divê em her timê yek bi yek biparêzin. Hûn dikarin bawer bin ku, em ê hesasiyeta herî bilind nişan bidin."

Dîroka nêz a Kurdistanê di meha Adarê

- Serhildana Dêrsimê dest pê kir 01 Adar 1936
- Mele Mistefa Barzanî Çû ser heqîya xwe 01 Adar 1979
- Parlementerên DEPê hatin girtin 02 Adar 1994
- Kovara roja nû dest bi weşanê kir 03 Adar 1943
- Dewleta Tirk xwendigeh û komeleyên kurdî qedexê kir 03 Adar 1924
- Selehaddîne Eyyûbî li Şamê wefat kir 04 Adar 1193
- Serhildana Koçgiriye dest pê kir 06 Sibat 192
- Serhildana başûrê Kurdistanê Raperin li Ranya yê dest pê kir 07 Adar 1991
- Mihemed Şêxê koça dawin kir. 09 Adar 1989
- Rejîma hov a Iraqê bi gaza kîmweyî li Helebceyê 5000 Kurd şehîd kir 16 Adar 1988
- PKK agirbesta yekemîn îlan kir 17 Adar 1993
- CEJNA NETWEYÎ YA KURDAN. 21 Adar
- Di serhildanên Cizir û Nisêbinê de 93 kes şehîd ket 21 Adar 1993

Li Çînê gûherîna sosyal û zayendî

Dli çînê demên dawî gûherîna civakî bilêztir dibe. Bi taybetî di nava ciwanan de çanda gelêriya Çînî kêmtir dibe û bi bandora rojavayê vegûherîna zayendî pêk tê..Li Çînê nêrîna hemberî seksê jî digûhere û hikûmeta Çînê azadiya seksê birfreh dike.



Yekem û yekane weşana nûçeyî a Kurdî ya mûzîka Kurdî nûçe, albûmên nû, liste, agahî, klîp, jiyanname, gotar

EGER TU KURD Î...

Û TU NAXWAZÎ BINEST BIMIÎ, TU NAXWAZÎ ZIMANÊ KURDÎ Û MİLLETÊ KURD TUNE BİBÎ...

BI DAXWAZNAMEYAN, BI MEŞAN, BI BOYKOTAN, BI ÇALAKÎYAN, BI NEÇÛNA DIBISTAN Û KARGEHÊ, BI DOZ VEKIRINÊ...

PERWERDEYA BI KURDÎ BIXWAZE!

JI BO REKLAM Û ÎLANÊN WE

Hûn dikarin di Pêşketin, HAWAR NET.com an jî weşanên din ên koma HAWAR de reklam û îlanên xwe bi nirxa herî gûncaw biweşînin.

têkîlî agahi@hawarnet.com